

COMUNICACIÓN RELATIVA A AXUDAS INDIVIDUALIZADAS TRANSPORTE ESCOLAR CURSO 2023-2024

Beneficiarios/as:

A. Pode solicitar axudas individualizadas o alumnado matriculado no curso 2023/2024 en centros educativos públicos con dereito a transporte escolar gratuíto (Educación infantil, primaria e secundaria obrigatoria) que por diversas circunstancias non poida facer uso das rutas de transporte escolar existente sempre que teña a condición de usuario de dereito de acordo coas instrucións que anualmente elabora a Secretaría Xeral Técnica para Formación Profesional Básica e a instrución 1/2003 sobre transporte escolar para o curso 2023-2024 e cumbran os requisitos desta comunicación.

B. O alumnado de Formación Profesional Básica que non poida facer uso de rutas de transporte escolar en centros educativos públicos pode solicitar axudas de acordo co disposto na Instrución que aproba anualmente a Secretaría Xeral Técnica da Consellería e sempre que cumbran os requisitos que se establezan.

C. O alumnado escolarizado en centros de educación especial, cando non poidan empregar rutas con contrato de transporte escolar ou de convenios con asociacións, sempre que a distancia desde o domicilio familiar ou as circunstancias do entorno relacionadas co tipo de discapacidade así o xustifiquen ou en virtude de resolución de escolarización, pode solicitar axudas individualizadas.

No caso de acreditar a necesidade de transporte cumprindo os requisitos e a ruta non estea incluída nos lotes de educación ou mobilidade e tampouco sexa susceptible de inclusión neles, sempre que sexa viable concederaxa axuda individualizada que compense á familia para o traslado en vehículo propio por non existir transporte regular axeitado no horario escolar. No caso de indispoñibilidade de vehículo ou non ter transporte regular, subsidiariamente poderase valorar a contratación dun vehículo de transporte con condutor pola familia previa aprobación dun orzamento.

Requisitos:

A persoa beneficiaria pode solicitar axuda para sufragar os gastos de desprazamento desde o seu domicilio ao centro docente ou a parada de transporte escolar ou regular mais próxima **cando a distancia sexa superior a 2 km calculada utilizando o itinerario máis directo, sen desvíos e rodeos innecesarios e non sexa posible autorizar unha nova parada.**



En caso de existir máis dun domicilio familiar considérase como domicilio de residencia o máis próximo ao centro. Non hai axudas para 2º domicilio por conciliación da vida familiar e laboral.

Para poder ser usuario de dereito do servizo o alumnado **deberá estar escolarizado no centro que lle corresponda, segundo a situación do seu domicilio e a distribución das áreas de influencia establecida** ou en casos excepcionais contar cun ditame de escolarización forzosa emitido pola Administración Educativa.

Nos centros escolares con transporte integrado, durante o curso o servizo provincial de Mobilidade valorará a viabilidade de atender as demandas coa oferta de servizos existentes, polo que poden ter algunha variación na modalidade de tramitación que serán comunicadas no caso de que o organismo competente de mobilidade asuma a xestión de axudas, alternativas de transporte, ou no seu caso rexeite a solicitude de acordo coa instrución anual conxunta de transporte escolar da Secretaría Xeral Técnica.

A modo indicativo quedan **expresamente excluídos** para estas axudas :

- Cando a escolarización se efectúe en lugar distinto ao da súa residencia habitual, amparándose na adscrición de centro ou preferencia de escolarización por lugar de traballo dos pais ou centro escolar de procedencia adscrito.
- Cando a escolarización se basea na liberdade de elección de centro.
- Cando perciban axudas para o mesmo fin que cubra a totalidade dos gastos por parte de concellos ou outras entidades de carácter público.
- Cando poidan empregar a Tarxeta XENTE NOVA ou análogas de carácter municipal que permitan realizar todas as viaxes gratuítas.

Preferentemente a persoa beneficiaria destas axudas deberá empregar servizo regular de transporte de viaxeiros se o ten a súa disposición en horario axeitado e distancias respecto do centro escolar. No caso de que opte por outra modalidade de transporte deberase acreditar a súa necesidade.

As solicitudes por discapacidade con dificultade acreditada para o emprego de transporte colectivo fóra das rutas establecidas, con problemática severa de carácter familiar para que trasladen as persoas alumnas ao centro escolar deben xustificar a necesidade. Poderase autorizar o pago da axuda á familia para a contratación dun servizo de vehículo axeitado as necesidades demandadas. A tal fin requírese orzamento para a súa aprobación.

No suposto que empregue transporte público percibirá axuda de acordo co importe dos billetes ou abonos, excepto nos casos en que se poida empregar a Tarxeta Xente Nova



que para poder recibir axuda deben acreditar o gasto suplementario realizado nos tramos municipais que non teñan gratuidade.

Casos a modo de exemplo:

- De non existir transporte escolar no centro e residir a máis de 2 km na zona de influencia sen posibilidade de contratación de transporte escolar.
- Non ter posibilidade de transporte por dificultade de acceso dos autobuses a certas localizacións.
- Que non haxa capacidade suficiente nos autobuses sendo usuario de dereito ou non existir correspondencia cos itinerarios establecidos con distancias superiores aos 2 km.
- Alumnos escolarizados forzosos que residan fora da área de influencia que non poidan aproveitar as liñas habilitadas e residan a máis de 2 km da parada.

SOLICITUDES E PRAZOS

Desde a Xefatura Territorial tramitaranse as solicitudes dos centros educativos cumprimentadas no anexo remitido ao efecto que se presentan:

- **ata o 25 de setembro de 2023.** Nos casos de escolarización forzosa con dereito a axuda individualizada deberá indicarse a data de incorporación ao centro para poder realizar a tramitación fóra do prazo inicial. Os prazos deben respectarse para así poder axilizar os pagos das axudas.
- As solicitudes debe envialas o centro educativo preferentemente a través da sede electrónica da Xunta á Xefatura Territorial de Cultura, Educación, Formación Profesional e Universidade da Coruña.

Respecto á documentación complementaria requirida, non faría falta presentala se xa se presentou no curso anterior, salvo que cambiaran as circunstancias do alumnado, este extremo debe manifestase no impreso de solicitude.

Conforme regula o artigo 28.7 da lei 39/2015, de 1 de outubro, do procedemento administrativo común das administracións públicas "os interesados responsabilizaranse da veracidade da documentación que presenten".

O importe pagarase proporcionalmente aos días lectivos de **asistencia efectiva con desprazamento ao centro** de acordo cos baremos de distancia e prezo de billetes que se establezan. Os centros educativos deberán certificar, coa sinatura do titular da dirección do centro, o número de días de asistencia efectiva dos alumnos/as ao centro educativo, nas datas que lle solicite o Servizo de Apoio aos Servizos Educativos.



En calquera momento poderase requirir as facturas dos servizos dos vehículos de transporte con condutor.

No suposto de varios beneficiarios que compartan mesmo domicilio ou próximo, centro educativo e horario escolar calcularanse os importes con prorrateo do custe da ruta en función da modalidade de transporte en caso de ser necesario.

Datos importantes:

- Non poderán ser persoas beneficiarias de axuda as que non posúan un NIF ou NIE e no serán válidos documentos tales como o pasaporte.
- A persoa alumna debe ser titular ou cotitular da conta bancaria.
- Evitar na medida do posible enviar as solicitudes manuscritas, dispoñen dun documento pdf editable para que poidan cumplimentalas electrónicamente.

Contra as resolucións do xefe territorial autorizando ou denegando as axudas poderá interpoñerse recurso de alzada ante o Conselleiro de Cultura, Educación e Universidade no prazo dun mes segundo o artigo 122 da lei 39/2015 do procedemento administrativo común das administracións públicas.

O xefe territorial

Indalecio Cabana Leira
(asinado documentalmente)

